

第一四八冊

方輿彙編

職方典

武昌府部

二五十二
(卷)

古今圖書集成

中華書局影印

欽定古今圖書集成方輿彙編職方典

第一千一百十五卷目錄

武昌府部彙考一

武昌府建置沿革考

武昌府疆域考

武昌府星野考

職方典第一千一百十五卷

武昌府部彙考一

武昌府建置沿革考

本府

府縣志合載

禹貢荊州之域天文翼軫分野自周懿王時地屬楚楚熊渠封其子紅爲鄂王始名鄂春秋時謂之夏洵秦屬南郡漢置江夏郡治沙羨三國時吳分江夏更置武昌郡治武昌縣徙都焉晉以武昌隸江州江夏隸荊州東晉更置汝南郡劉宋於江夏縣置江夏郡兼置郢州齊分郢爲十四郡江夏郡統六縣梁分置北新州隋平陳改置郢州大業初爲江夏郡唐復爲郢州天寶初改江夏郡乾元初復爲郢州屬江南道元和初陞武昌軍節度五代時唐遙改武清軍南唐復爲武昌軍宋以郢州屬荆湖北路元至元中置郢州路大德中改武昌路明洪武甲辰年改武昌府領州一縣九

皇清因之

江夏縣

周懿王時楚子熊渠其得江漢民和乃封其中子紅爲鄂王始名鄂春秋時謂之夏洵秦分楚爲四郡江夏屬南郡漢高帝六年置江夏郡治沙羨今江夏縣本漢沙羨地屬江夏郡獻帝時劉表據荊州以黃祖爲江夏守始於沙羨置邑郡今江夏吳孫權自公安徙都於鄂分置江夏以縣屬武昌郡晉武帝太康元年平吳以江夏隸荊州東晉咸和中以汝南民流寓夏口乃創置汝南郡治塗口太元降爲汝南縣復隸江夏郡劉宋復於沙羨置江夏郡兼置郢州治江夏隋文帝平陳改置郢州大業初爲江夏郡尋廢爲郢州以州領縣改汝南曰縣名江夏始此晉治塗口唐初改郡爲州貞觀中改爲鄂州天寶初仍名江夏郡乾元初復爲鄂州明初降陳理改爲省會邑名如故編戶六十二里

皇清因之

武昌縣

唐虞夏商屬荊州周彝王八年熊渠封其中子紅爲鄂王按熊渠曾孫甚得江漢民心與兵伐庸揚粵至於鄂今縣西南二里有鄂王城彝王時以東界爲樊楚按一統志古岸有鄂縣故城蓋舊樊楚秦并楚爲鄂縣屬南郡昭王二十九年白起攻楚取鄂爲南郡鄂屬之漢高帝六年置江夏郡鄂及下雉屬之武帝時置荊州刺史統江夏郡隸之東漢仍爲鄂縣屬江夏又名東鄂章武元年吳孫權自公安徙都更鄂曰

武昌按縣南有山名武昌權欲以武而昌故名

水經注孫權改鄂曰武昌徙治於袁山東分建業之民千家以益之以下雉陽陽新漢沙羨爲武昌郡高約臺木央宮及禮官館客太康元年立武昌郡鄂武諸縣郡屬之晉志武昌郡隸江州領縣七有沙羨鄂武昌諸縣大興二年以武昌爲江州南宋孝武建元初分荆湘江豫置鄂州武昌隸之蕭梁置二十二州武昌爲郡統縣二陳治梁隋開皇初改武昌郡爲縣鄂省入武昌隸鄂州大業三年改江夏爲鄂州武昌隸之析縣西置城塘縣尋廢唐分江南道武昌屬之置樊山府天寶初改鄂州爲江夏郡武昌隸之乾元復鄂州德宗貞元十一年陞鄂爲武昌軍節度武昌隸之按武昌府名始此今府縣之別後唐遙改爲武清軍縣隸之置樊山岩後復鄂州爲武昌軍縣隸之宋開寶初置荆湖北路武昌隸之嘉定六年陞爲武昌軍更壽昌軍與鄂州節度名相類因寶玉有壽昌故名尋改爲郡元至元甲戌以壽昌爲府置湖廣行中書省元貞春改壽昌郡爲武昌縣明仍元舊編戶四十九里成化初併爲三十七里距府城東北一百八十里

皇清仍舊爲三十七里縣市三里洪道三里永福三里神山五里賢庚四里符石四里靈溪七里馬

蹟八里

嘉魚縣

縣爲古荊州地漢入沙羨俱未斷其名晉太康

元年始著爲沙陽縣梁陞爲沙州隋廢入蒲圻爲鮎濱鎮並沙羨爲鄂州五季南唐改鎮爲場昇元六年陞場爲縣保大十一年始陞爲嘉魚縣其地有魚嶽山取詩南有嘉魚之義爲名元大德五年改鄂州爲武昌路明復改路爲府嘉魚爲府屬邑編戶一十二里距府城西南二百四十里

皇清因之

蒲圻縣

在府城南三百六十里禹貢荊州之域按禹貢導嶧冢至於東陵水經注云東陵卽巴陵今蒲圻在巴陵東北股屬荆楚詩稱殷楚居南都是也周屬荊州史記鸛熊事文王其孫熊繹事成王成王舉文武勤勞之後嗣封熊繹於楚錫以子男之田屬楚繹孫渠其得江漢間民和伐庸揚粵至於鄂立中子紅爲鄂王蒲圻屬鄂秦分楚爲三郡屬南郡漢分楚爲七郡置沙羨縣按漢書高帝六年置江夏郡統十四縣一曰沙羨武帝元封五年初置荊州刺史沙羨仍屬江夏郡沙羨境內有蒲圻湖以湖產蒲草故名三國屬武昌郡按三國吳志漢建安四年孫權討黃祖於沙羨十五年魯肅屯六口二十五年權自公安徙都鄂改名武昌郡沙羨屬焉吳赤烏二年夏五月城沙羨乃建縣於西長湖側名曰蒲圻以呂岱鎮之分武昌爲兩部自武昌至蒲圻爲右部盛弘之荊州記云蒲圻沿江百里有赤壁營分荊州爲二十二郡武帝太康元年分蒲

圻置沙陽縣以沙陽沙羨屬武昌蒲圻屬長沙宋分湖南諸州屬鄂州蒲圻沙陽咸秩男爵晉武帝太康元年立從晉封也齊分郢爲十四郡江夏郡統六縣蒲圻屬之梁置沙州上雋郡蒲圻屬上雋隋分荊州爲二十二郡江夏郡統四縣蒲圻屬焉是時併沙陽入蒲圻唐分江南爲三十四州高祖初平蕭銑復置鄂州統七縣一曰蒲圻有鳳山監武德九年以蒲圻舊治鄰水多淤渚乃改遷蒲圻於鳳山監後唐分蒲圻鮎濱鎮爲嘉魚縣治宋置荊湖北路統二十四州郡鄂州屬北路至道二年改武清軍爲武昌軍紹興二年改兼荊湖北路鄂州統七縣一曰蒲圻元置湖廣行中書省及肅政廉訪司至元十一年改荊湖路安撫司武昌路統七縣蒲圻屬武昌元末陳友諒起沔陽僭據南國僞稱漢主明太祖親征友諒於鄱陽湖友諒死子理奔武昌太祖招降之改武昌路爲府統一州九縣蒲圻屬武昌府

皇清因之編戶三十里

咸寧縣

咸寧本隋江夏縣南境唐大曆初置永安鎮五代時吳楊行密改爲場南唐陞爲永安縣隸鄂州宋改曰咸寧元仍舊明亦相沿編戶一十六里距府城南二百四十里按縣志南唐保大十三年始割江夏南境三鄉地置永安縣宋開寶初改爲咸寧縣屬鄂州哲宗元祐元年又割蒲圻長樂鄉以益之元屬武昌路明改路爲府咸

寧屬焉
皇清因之

崇陽縣

舊屬鄂州爲荆地漢屬長沙下雋縣南宋元嘉屬湘州齊改上雋縣隸巴陵梁置上雋郡陳改雋州隋廢雋州以其地入蒲圻屬鄂州唐天寶中開山洞置唐年縣屬鄂州五代吳楊行密始改爲崇陽縣後梁改臨夏後晉及南唐復改曰唐年宋開寶八年復名崇陽縣屬湖北路熙寧五年析通城鎮爲通城縣紹興五年復并入崇陽至十七年復析元仍其名屬武昌路明改路爲府崇陽屬武昌府編戶一十六里距府城東南三百九十里

皇清因之

通城縣

春秋時鄂屬秦南郡漢高帝六年分南郡置下雋縣屬長沙吳晉因之梁置上雋郡陳改雋州齊改上雋縣俱隸巴陵隋廢州併入蒲圻屬鄂州唐天寶中屬唐年縣元和始置通城鎮五代時吳楊行密改唐年爲崇陽梁晉又改臨夏南唐復爲唐年宋開寶八年改唐年爲崇陽置巡鎮熙寧五年陞通城鎮爲縣嘉定十五年以武昌縣陞爲壽昌軍領縣七通城屬焉紹興五年復降鎮歸崇後陞縣元仍舊屬武昌路明改路爲府通城其九縣之一也編戶十五里距府城東南五百里

皇清因之

興國州

州本秦南郡地漢高帝六年析南郡更置江夏郡總縣十四曰西陵曰竟陵曰西陽曰襄曰秭曰秭曰安陸曰沙羨曰蘄春曰鄖曰雲杜曰鍾武曰鄂曰下雉興國居鄂下雉之間東漢獻帝十三年復爲下雉縣屬江夏郡孫權自公安徙治鄂更鄂曰武昌析鄂之南境置陽新以武昌下雉潯陽陽新柴桑沙羨六縣爲武昌郡東晉義熙中以吳頭楚尾之交廢下雉入陽新宋復隸武昌郡隋開皇九年置鄂州廢陽新縣爲富川縣十八年改富川縣曰未興唐太宗元年分天下爲十道以鄂州隸江南鄂州領縣五未興隸焉五代屬吳南唐以未興縣屬地設通羊鎮置青山場興爐冶尋復以通羊鎮置通山縣以青山場爲大冶縣宋開寶八年平江南鄂州隸江南道統縣九曰江夏曰武昌曰蒲圻曰嘉魚曰崇陽曰永安曰未興曰通山曰大冶太平興國二年以未興縣爲未興軍三年陞未興軍爲興國軍縣仍爲未興割鄂之大冶通山屬焉元至元十二年仍爲興國軍十四年陞爲興國路領未興至正十二年僞將丁普朗徐明遠陷興國改興國爲軍十八年僞漢陳友諒復改興國爲路二十三年明引兵取興國改爲府洪武九年改爲州未興縣入焉屬武昌府領縣二編戶四十六里距府城東三百八十里

皇清因之

大冶縣

本隋武昌縣地唐太宗貞觀元年未興隸鄂州南唐於未興屬地置青山場以興爐冶保大十三年陞青山場并析武昌三鄉置大冶縣仍屬鄂州宋太平興國二年改未興爲興國軍割鄂之大冶屬焉元至元十四年陞興國路順帝至正二十三年明太祖取興國改興國府隸湖廣行省洪武九年改興國州省未興縣入焉領大冶通山二縣屬武昌府編戶四十六里距府城東三百八十里

皇清因之

通山縣

唐堯因帝書建九州其南爲荊州東南爲揚州通山界於荆揚處夏商周因之漢高帝析爲下雉縣屬江夏郡通山縣始此新莽改下雉曰閭光東漢獻帝建安十三年復爲下雉縣屬江夏郡孫權自公安徙治鄂曰武昌析鄂之南境置陽新縣治居今屬水鄉陽新里與地志云興國軍未興縣本鄂縣地孫權改鄂爲武昌置陽新縣東晉又析下雉縣入陽新隋合二縣爲未興舊志云通山本漢下雉地三國吳爲陽新隋末爲未興縣之新豐屬鄂州唐因之五代時楊行密起鐵冶置羊山鎮征賦南唐始置通山縣舊有青山鎮通羊鎮各摘一字而以通山名縣宋太平興國三年改羊山尋復通山紹興四年仍降爲鎮五年復爲縣屬興國軍元仍舊明始編戶爲六里距府城東南一百八十里

皇清因之

武昌府疆域圖



武昌府疆域考

府縣志合載

本府

東至江西九江府瑞昌縣界五百二十里

西至漢陽府漢陽縣界七里

南至岳州府臨湘縣界四百里

北至黃州府黃岡縣界七十二里

東西廣五百三十里南北袤四百七十二里由府治北達於

京師三千一百五十五里

江夏縣附郭

東至武昌縣界七十七里

西至漢陽縣界七里

南至咸寧縣界一百三十七里

北至黃岡縣界七十二里

武昌縣

東至蘄州白田洲界八十里

西至江夏縣嚴婆坵界一百二十里

南至大冶縣大驛路界十五里又跨大冶至咸寧縣一百五十里

北至黃岡縣大江心五里

廣二百里而近袤一百五十五里而遙自縣治至府一百八十里

嘉魚縣

東至咸寧縣界八十里到縣治一百四十里

西至臨湘縣界新店一百三十五里又至沔陽州治二百五十五里

南至蒲圻縣界砦山五十五里到縣治七十五里

里

北至漢陽縣界潦水甲一百里到縣治二百四十里

東南至咸寧縣治一百四十里

東北至江夏縣治二百五十五里

西南至臨湘縣治一百六十里

西北至沔陽州治三百里

東西廣二百一十五里南北袤七十里自縣治西北至本府二百八十里至

京師水路四千八百三十里陸路四千二百一十九里

蒲圻縣

東至咸寧縣界汀泗橋七十里

西至臨湘縣界新店四十里

南至崇陽縣界壺頭山四十里

北至嘉魚縣界障山四十里

東南至咸寧二縣界一百里

東北至咸寧二縣界七十里

西北至嘉魚縣界一百里

西南至臨湘縣界一百五十里

東西廣百有十里南北袤八十里

由縣治至本府水行二百八十里陸行三百六十里至

京師水行四千九百九十里陸行四千三百二十里

咸寧縣

東至與國州三百里

西至蒲圻縣一百里

南至通山縣九十里

北至本府小路紙坊一百八十里東湖驛大路二百四十里

東北至武昌縣二百四十里

西南至崇陽縣一百二十里

西北至嘉魚縣一百里

東西廣八十里南北六十里延袤一百里由縣治至

京師水路五千四百七十五里陸路二千七百一十五里

崇陽縣

東至通山縣界地名白羊四十五里至通山縣治一百里

西至通城縣界地名小井六十五里至通城縣治一百里

南至江西南昌府寧州界地名太原一百二十里至寧州治二百五十里

北至蒲圻縣界地名壺頭三十里至蒲圻縣治七十里

東南至通山地名界頭北山八十里

東北至咸寧地名連河嶺七十里

西南至通城地名柘橋八十里

西北至蒲圻地名分水嶺五十里

自縣治至

京師陸路三千九百二十里水路五千五百三十五里

廣一百一十五里表一百四十五里

通城縣

東至崇陽鷄鳴嶺五十里

西至臨湘縣楚門界四十里

南至平江縣元鳥嶺四十里

北至崇陽縣柘橋十里

東南至南樓嶺石門界四十里

西南至岳州巴陵縣相師山四十里

西北至蒲圻縣方山四十里

東北至崇陽縣大岐嶺三十五里

東西相距九十里南北相距五十里周匝二百一十里

自縣治至

京師陸路四千五十里水路五千五百五十里

興國州

東至九江府德化縣巢山下小石堆界九十五里

西至武昌府崇陽白羊山分水界二百五十里

南至南昌府寧縣上礮界一百八十里

北至黃州府蘄州黃陂口大江心六十里

東南至九江府瑞昌縣永城鋪九十里

西南至南昌府武寧縣石洞界一百八十里

東北至黃州府蘄州茅山大江心六十里

西北至武昌府武昌縣界首嶺一百七十里

距郡城三百六十里東西一百九十里南北一百里

大冶縣

東至蘄州一百二十里

西至咸寧縣一百八十里

南至本州治一百里

北至武昌縣九十里

東南至本州黃陂口鎮一百五十里

東北至蘄水縣一百四十里

西北至本府二百七十里

西南至通山縣一百五十里

自縣治至

京師陸路三千六百三十里水路四千九百八十里

東西廣一百四十里南北袤八十里

通山縣

東至本州界首三十里

西至崇陽縣四十五里

南至江西武寧縣八十里

北至咸寧縣三十里

東西廣一百一十五里南北袤一百三十五里

形勝附

本府

江漢爲池扼東江湖襟帶吳楚地居要區控接

湘川邊帶漢沔雍梁津要連峴吞雲黃鶴磯邊

江峭山險南抵五嶺北通襄漢墻山而城壘江

而池山川包絡氣象萬千東連西控鞏固萬年

江夏縣

西有長江之險東有九峯之隘山川環護風氣

攸鍾實郊署之內奧都邑之綱紀也

武昌縣

學記前瞰南湖北枕大江

史記北背漢水南鎮雒陽西山鎮樊口之險鳳

臺塞石盤之流

庾信賦龍蟠鳳集之鄉

王述江東鎮戍之中非但捍禦上流而已緩急

赴告駿奔不難

張魏公中原聲援絡繹可通

玉海一江天塹萬騎雲屯孫吳都之嘗爲重鎮

鈴記蓮荷浮水之狀

薛氏地襟江河依阻湖北左控廬淝右連襄漢

北人南牧嘗出此以襲豫章

南瞰湖水北枕大江地襟江河依阻湖北左控

廬淝右連襄漢此武昌形勝之大略也

嘉魚縣

縣治自東南蜿蜒扶輿磅礴鬱積龍潭魚岳浮

西江之冷南則湖坦爲腹而馬鞍牛首峽然燦

其兩翼三楚屬邑之秀斯其選矣

蒲圻縣

縣治鳳凰踞其前龍翔峙其北東則豐財聳秀

西則馬鞍開鎮而學秀金臺諸岡蜿蜒城內陸

水蒲河襟帶縈繞形勢之固亦盛矣哉

咸寧縣

咸當鄂之上游而縮轂其口唇齒輔車實相倚

賴今崇墉完堞屹屹言言民稍奠枕矣

崇陽縣形勝無考

通城縣

背倚水面銀山東連幕阜黃龍之奇西挹衡岳
洞庭之勝元鳥黃鶴拱於前鐵束龍宮枕於後
誠勝境也

興國州

州城最小東西關附焉西北山麓也南北皆湖
然阻邪盤江跨峙廬阜湖山表裏稱雄一方矣
大冶縣

古鈴記山從長樂水出含香面對千秋永爲康
泰

元伯顏鄂議襟山帶江江湖隩區

虞集記江湖之表山川包絡形氣涵蓄

千秋疊嶂森列於前長樂諸山環擁於後漳源
之水春夏爲湖則瀾漫瀟渺遠接天碧秋冬爲
港則旋轉曲折而莫知其所從出

通山縣

前列翠屏後枕羅阜東南扼九宮之崔嵬西北
環散水之險阻

武昌府星野考

府總

周禮保章氏以星土辨九州之地封域皆有分
星鄭註曰鶉尾楚也春秋元命苞曰軫星散爲
荊州江夏入軫十二度

史記天官書漢天文志並云翼軫荆楚註翼二
十二星軫四星皆爲鶉尾在巳楚之分又曰吳
楚之疆候在熒惑占於烏衡
蔡邕月令章句云起張十二度至軫六度爲荆

州晉天文志翼軫楚荊州江夏入翼十二度
星經玉衡星主荊州又云熒惑主楚又云翼二
十二星凡十九度軫四星凡十七度
宋志天市西垣第二星曰楚又北斗第二星曰
璇其分楚
元志鄂州北極出地三十一度半蘇辰圖註軫
十度楚之尾
荆爲禹貢九州之一江夏附焉歷考星屬其辰
巳其北斗玉衡其五星熒惑其五行丙丁其天
市西垣其十二天舍鶉尾其二十八宿翼軫

欽定古今圖書集成方輿彙編職方典

第一千一百十六卷目錄

武昌府部彙考二

武昌府山川考一

職方典第一千一百十六卷

武昌府部彙考二

武昌府山川考一

本府江夏縣附郭

府州縣志合載

黃鵠山 在縣西南自西南數百里來蜿蜒而

瞰江下有磯曰黃鵠磯按通志一名黃鶴費文

禪昇仙駕黃鶴過此

高觀山 在縣東南東有鳳凰窩西有烏龍池

清風明月二井按通志一名金華山

鳳凰山 在縣北吳黃龍元年有鳳凰來集故

名其下爲縣學爲貢院爲都察院今都察院遷

駐前所營僅存遺址

懸脂山 在縣東南土赤如脂一曰鞭指山

蕭山 在縣南六里晉蕭丹所隱居

梅亭山 在縣南五里

洪山 在縣東十五里山下有寶通寺上有石

曰堆雲曰翠屏曰獅子峯有洪山賦鐫于石上

楊士奇有記

磨兒山 在縣東十五里有郊天臺漢昭烈

祭天處

紫荊山 在縣東北城下其山上立有封禪碑

文

馬岐山 在縣東二十五里有蠻王塚在其山

南

九鯉山 在縣東北十里麓下九枝突出水面

如魚尾然

豐禾山 在縣東五十里里人報賽處俗名烽

火山

九峯山 在府城東五十里山環如城郭列峯

有九獅子峯鉢孟峯寶蓋峯沙碧峯石門峯揚

鑾峯馬驛峯丁管峯黃檗峯按通志在府治南

六十里明洪武初高僧無念章栖止于其處以

習靜焉

冶塘山 在縣東南三十里乃晉宋時鼓鑄之

所

靈泉山 在縣東南六十里上有泉下爲楚昭

王及諸王墓

驚磯山 在縣東七十里西南俯大江有石磯

波濤迅激

白頭山 在縣東七十里白石色

江夏山 在縣東六十里其山崎嶇一名峽山

黃屯山 在縣東四十里山多草木

石筆山 在縣東四十餘里狀如筆格橫互長

湖

帽梁山 在縣南三十五里周湯縣湖

大觀山 在縣南五十里土赤色如金一日金

華有千岩萬壑之勝

六老山 在縣南五十里層巒聳翠狀如六老

相拱揖

夜泊山 在縣南五十里駱禪師飛錫處元守

將陳也先屯兵于此通紀名夜婆山

錦繡山 在縣南七十五里山多桃李花如錦

繡

八分山 在縣南六十里有水流如八字旁有

八分湖有石洞名白雲洞逶迤半里許有天寶

有龍短尾唐貞觀時與駱禪師俱顯時封嘉澤

侯顯應侯靈惠侯元郡守李貞天旱禱雨祠前

見蟹自山麓湧出潭中黑雲湧起雷雨大作爲

建八分山泉新亭今土人以龍隱見卜年

鼓樓山 在縣南九十里五峯秀出如樓又名

五樓山

仙人山 在縣南九十里上有仙跡

靈山 在縣南九十里一峯聳焉上有仙跡

鷄翅山 在縣南九十里世傳有金鷄集焉故

名

大槐山 在縣東南七十里晉李大槐隱居之

所

赤壁山 在縣東南七十里一曰赤壁濱江

別秀山 在縣東南八十里上有三峯競秀別

於衆山

鼓架山 在縣東南三十里形如鼓架

半面山 在縣東北三十里山上草木半隱半

出焉

梁城山 在縣北二十里志云梁武帝築城屯兵于此

烽火山 在縣東北四十里齊清河王岳進軍

臨江來逼江夏梁將侯瑛屯兵于此烽火相應

志云上有烽火城

鴿子山 在縣西南七十里諸山祖焉山南有

南巖禪院臨濟楚谷禪師道場一日个字山山

水中分如个字又名大覺山

金屏山 在縣西南七十里衆山旋繞如屏有

張睢陽廟存焉

迴峯山 在縣西南六十里山上一驢跡環跡

處不生纖草相傳吳老牧驢之所

清平山 在縣東南五里其上清曠平衍

金城山 在縣東南二里峭壁如城南遷錄所

云金城險固者也吳將陸渙屯兵于此

景首山 在縣東南五十二里上廣下削

標山 在縣東南十里山多苞櫟

石子岡 在縣東北一里

呂公洞 在府治中洞賓題詩處

費禪洞 在黃鶴山陰

大江 自嘉魚入境歷大軍山小軍山會沔水

東流會漢水金沙洲障城南至白湖入武昌凡

二百九十里

夏汭 漢水曲入江處夏口之首曰夏首江之

汜也梁侯景據夏首集兵糧卽此地

塗水 在縣南六十里一日金水一日金口其

入江夏曰塗口

裏河 在望山門外通大江江之口曰鮎魚口

南湖 在縣東南四里

黃家湖 在縣南十里

清寧湖 在縣南四十里

湯孫湖 在縣東南四十里四湖之水俱由裏

河入江

賽湖 在縣東三里

斧頭湖 在縣南百二十里

魯湖 在縣西南八十里水由金口入江

梁子湖 在縣東八十里水由武昌縣樊口入

江

團山湖 在縣東九十里

鄭家湖 在縣東四十里

白楊湖 一曰白口湖北通大冶縣

明月湖 墩子湖 東湖 西湖 以上四湖

在城內

余家湖 在縣東北五里南抵郭鄭湖入江

鸚鵡洲 在城西大江中欄街有賦

白沙洲 卽蘆洲在陳公套對面其中土壤甚

沃

金沙洲 在府城西南百貨雲集商賈湊至兵

燹後移鎮漢口

皇清康熙十二年分守武昌道招來商賈漸復舊規

新淞洲 擁沙爲洲明末樂十年立水母祠以

鎮之

張公洲 在縣南二十五里晉隱士張公謹園

處

黃軍浦 在縣鸚鵡洲下吳將黃蓋屯兵處

南浦 在縣南三里水出景首山西入大江冬

涸夏溢商舟聚泊今名新開港

黃鶴磯 在府城黃鶴山麓臨江

夏口 在府治荆江中正對河口

放生池 在府城中淳熙中郡守王齊疏立

曲池 在縣東十五里梁太清間邵陵王爲太

守樂賓之處

鳳凰池 在縣西南

天鵝池 在武當宮西

磨劍池 按通志在府城頭陀寺

卓刀泉 在縣東十五里爲漢昭烈郊壇關羽

行軍卓刀壇下有泉出焉明楚昭王薨而飲之

泉味甘冽甃以石覆以亭亭前有拜將臺

飛錫泉 唐貞觀時略禪師飛錫八分山嶺卓

杖成泉白龍出卽雨

烏龍泉 在縣南七十里峯迴路轉處一帶巨

石夾道或立或伏苦蘚迎人其水夏涼冬溫甘

甚

桃花泉 在縣西南七十里在石灰山口

鹿跑泉 按通志在府志南六十里大觀山上

禱雨輒應

蘆花泉 在鸚鵡鄉東湖驛左

汲福井 在府治布政司左正德間左布政周

季鳳溶劉績有記

銅盤井 在府治東昔有銅盤蓋井底日汲不

竭

蜘蛛井 在府治鐵佛寺世傳唐時有紅白二蜘蛛化妖婦媚人故鑄鐵佛以鎮之

義井 在府治南長街右

八分井 在府治東南四十里

染井 在保安門外

鹿跑井 在大觀山

浪花井 在府治洪山小塔寺中水沸如浪自晉建塔以覆井乃安瀾焉其下通江按通志塔名曰無影塔

武昌縣

西山 在縣西三里沿松橋九曲而登峻拔幽麗蘇文忠公舊遊多古蹟焉

郎亭山 在縣北二里高八十丈路出退谷五代梁朱友恭鑿山開道以強弩拔武昌卽此下有窠尊石

樊山 在縣西五里山產銀銅鐵紫石高九十丈周二十里水經注云孫權治袁山東卽此地故舊名袁山一名樊岡一名壽昌權出獵樊山見一老姥曰我舞陽侯樊噲母也魏將伐吳當助于一戰後果有赤壁之勝因立廟祀之名其山曰樊山水曰樊湖樊港樊口又搜神記天若亢旱燔山則雨故名但按古有郭渚樊楚則樊山之名已久噲母樊山之說似出附會

葛山 在縣南五里相傳爲葛洪鍊丹處

虎頭山 在縣東三里舊名鳳閣吳黃龍元年鳳集於此

石門山 在縣西三里山石對峙如門唐武昌令馬珣與元結同遊石刻尙存

蓮花山 在縣南五里山若蓮花浮水故名

吉祥山 在縣西十里吳王微時隱此未趙令歲暮後爲庵今廢

仙堂山 在縣東十五里相傳有仙人修煉於此彩雲繚繞白晝飛昇遺有堂基山頂有庵名水月菴

鳳山 在縣東三十里舊名鳳樓山吳建興中鳳凰降故名

西塞山 在縣東南九十里高一百六十丈周二十七里延連江側東望偏高故名寰宇記云界于武昌縣爲關塞土俗編云吳楚舊境孫策擊黃祖于此

白澗山 在縣西九十里半屬江夏半屬武昌乃江武分界雄峙江澗雲出則雨上有碧雲寺神人山 在縣西七十五里高十丈周十里吳建衡二年有神人乘白鹿出此

銅梁山 在縣南一百二十里

三角山 在縣南一百三十里巍然數峯秀出天表

白雲山 在縣南一百三十里

掛榜山 在縣南一百二十里宋末國公孟宗政墓前山白石峻峭如掛榜然

武昌山 在縣南一百五十里峭壁險峻孫權都鄂易名武昌以此

磨旗山 在縣治樊山路旁石中有窟世傳樊

喻磨旗于此

靠背山 在縣治後江濱世傳樊噲渡江靠背于此至今有蹟

靈溪山 在縣南一百五十里高四十丈周五十里南有靈溪觀今廢止有靈溪寺

萬松山 在樊山北

虬山 在縣南一百五十里山陰有龍穴搜神記云居民每見神虬出入旱禱卽雨後人築塘其下名曰虬塘

馬蹟山 在縣南一百八十里高五十丈周五十里頂有雙馬蹟

青溪山 在縣南一百九十里高八十丈周四十里涌溪源出焉

萬松嶺 在樊山臨江蘇東坡頽演遊息之處竹林夾道彌谷建炎後邑人伐爲棟宇遂荒

礦嶺 在縣南一百四十里

掛榜崖 在縣南一百二十里

南岡 在縣南湖側晉王敦收郭璞詣南岡斬之卽此

吳王岡 在縣西七十五里世傳吳孫權駐蹕於此

吳王峴 在九曲嶺下與地志孫權于樊口被風破舟鑿樊嶺而歸因名

石鼓峴 在金牛岡西上有三石鼓鼓鳴天必雨今不存

金牛堆 在縣南一百二十里與地志云有金牛數十出於堆石上遺跡見存又太平御覽引

武昌記亦云

箬谷 在寒溪西山間以谷多箬竹故名

退谷 在樊山郎亭二山之間唐元結故名

龍蟠石 在縣東北一里江中周七十五丈太平御覽武昌記云世傳龍蟠于此梁庾信哀江南賦云龍蟠鳳集之鄉

窪樽石 卽杯尊石在郎亭西孟仕源居唐元結嘗客遊于此宋令朱堯刻窪樽二字

接渡石 在縣東三里江中水經註云廣百步

高六丈武昌分界有狀如人跡俗傳吳王女嬪居江北約有魏寇至則鳴鼓相應女醉屢伐鼓無寇及後眞寇至擊而吳不應女遂奔吳此其跡也今黃州有女王城又云伍員去楚入吳得漁父接渡于此世俗之說云然不知眞僞

仙人石 在縣南一百二十里石形罕尋有古柏蟠根于上世傳神像密悟眞以臂臂柏枝戲種而成

望夫石 在樊山北昔有烈婦夫遠赴國難攜幼子餞送于此立望而死化爲石

八角石 在縣治南街中石分如八卦

大江 自西塞山入縣界播雙柳經三江崢嶸洲過磧磯至于樊口又東至于白田洲楊葉五洲經蘭溪入散花洲

西室湖 在縣東三十里

馬飲漿湖 在縣南一百里

炭門湖 在縣西七十里

烏翎湖 在縣南一百五十里

磧磯湖 在縣西五十里

蚌舟湖 在縣西九里

車湖 卽東湖在縣東二十里晉車蔭居此故名今有墓宋王文輔亦居此東坡寓黃時嘗與往來欲買田老焉會量移送不果

南湖 在縣南半里舊名南浦亦曰長湖卽今之洋湖湖太平御覽武昌記云長湖通江夏水冬涸無所產植陶侃作堤水嘗不竭取鄆那隔湖魚菱以蕃湖內菱甚美鮑魚長三丈永嘉初顏敝太守稽禹之修復尋又朽壞魚菱不復蕃息矣貳貲敗走南湖以荷自蔽卽此又水出五丈口亦名五丈湖

浮石湖 在縣南一百二十里湖內有石周二十步水漲不沒故名浮石

梁子湖 在縣南一百一十里春漲冬涸武昌江夏分界

杯湖 在樊山郎亭間唐縣令孟仕源居退谷乃元子杯樽山故名杯湖

敗橋湖 在縣東十二里春漲冬涸世傳吳王于此造橋以便遊獵橋敗因名今演湖有棠棣徑楓香徑蓋苑園地也

大草湖 在縣南一百四十里馬蹟鄉金竹山之巔方圓數里產魚菱蘆葦與衆湖無異

崢嶸洲 在縣西北江中晉劉毅破桓元于此今名得勝洲半屬黃岡

蘆洲 在縣西二十里一名邏洲輿地志伍子胥去楚出關于江上見漁父求渡漁父曰灼灼

今侵已私與子期今蘆之漪子胥既渡解劍與之曰此劍值千金其勿露漁父知其意遂覆舟而死

楊葉洲 在縣東卽白田洲陳初北周將獨孤盛領水軍趨巴湘太尉侯瑱自潯陽禦之破盛於此

新生洲 在縣西四十里三江口

散花灘 在縣西北寒溪之側歐陽修集古錄謂吳王散花處蓋苑園之別名

樊溪 亦名樊港又名寒溪樊山西南澤凡九十九入于江縣無泊舟之所多趨樊港

寒溪 在樊山下太平御覽武昌樊山東有山溪雖盛夏涼氣逼人唐元結嘗居此上有寺陶侃讀書于此臺基尚存

湧溪 出清溪山下東合衆流過虬山爲湧溪西匯爲浮石由樊口入于江

牧馬港 在縣東十里孫權牧馬之處其上卽吳王故城

傅老港 在縣境內

水門港 在縣西六十里

螺蝦港 在縣治西南十里

五磯 在縣東庾仲雍江水記作五圻水經注云東得五丈口又東得沙浦經五磯

安樂磯 在縣東三十里江上孫權使子登出征大子安樂全琮諫止之卽此

黃子磯 在縣西與邏洲相接世傳黃巢置砦于此在三江口下亦險要也

上磧磯 在縣西上磧湖口以石磧橫截湍流故名之江流極險絕處

敗船磯 又名敗船灣在樊山中江表傳云孫權新製大船名為長安泛之釣臺下沂流時風甚谷利云當取樊口權曰當取邛州利拔劍向

柁工曰不取樊口斬工即轉柁入樊口甫至岸而敗故名

白鹿磯 在神人山麓

陷池 在縣東南一百二十里小石嶺旁土崖陡絕舊傳何氏宅嘗得龍卵徑七寸與他物同藏器中物隨充滿置之金穀亦然後因誤置鹽中龍化而宅陷先有大術麻穗而戲何女逐之其處亦陷淪為井旱禱雨多驗

洗劍池 在西山松風閣下世傳吳王浮劍於此有石刻洗劍池三字崖有井清冽異常

放生池 舊在縣西寒溪塘淳熙十二年知縣周復於東南倉後鑿池為之東西六丈南北十丈緣以土牆建亭於上今廢

清思池 在吳王城東鳳凰臺下多蓮

聰明池 元至正五年創即今泮池

滴瀝泉 在縣西山之陽東晉時書此三字於崖上四時泉滴不竭

寒泉 在吳王讀書臺下世傳吳王井

菩薩泉 在縣西山嶺石竇中出色白而甘

白巖泉 在縣南一百六十里泉清秀幽致奇絕有馬祖神師道場

廉泉 在府公館前左畔舊井壅塞有水清堂

出嘉靖二年通判尹覺潘潞故名

壽井 在縣治益家橋南宋嘉定縣尉鄒應溥置四眼鐵盤一鐵蓮子形欄四嘗與人曰後當有登高位獲魏科享上壽者

義井 在縣東又名方井

醴井 在縣堂左令賢則泉湧出弘治五年知縣聶賢來任醴泉復出遂淘濬置欄立亭

金牛井 在縣南金牛鎮

樊口 在縣西北五里東坡謫黃州嘗遊于此時有潘生諱邠者善釀酒東坡每至飲于其家以適興

五丈口 洋瀾湖水出此吳太子孫登葬于其水之原

洞汊 大洞在樊口下小洞在釣臺下

劉郎汊 在縣東北江上原名流浪俗訛為劉郎

長港江套 在縣西五里

嘉魚縣

龍潭山 在縣治北山足有潭淵深不竭世傳有龍潛焉故名宋淳熙戊申知縣姜偃建文廟於山陽之麓而山之名始顯自縣門行二里餘至文廟前喬松夾道道左有泮池左右有碑亭

亭東西有落星采芳二亭陟山腰入遠塵徑徑之上壘石為山之前分二徑抵山椒入仰高亭四望豁然萬景呈露俯視龍潭瑩然澄澈可鑒毛髮亭之內有詩文刻於石

魚嶽山 在縣西二里水經云在大江中楊

子洲南今距江二里許蓋水勢決彼填此而然也山皆石獨西一面峭壁高聳崖洞奇險以其臨江又名江島山

灌磯山 在縣西北半里許上有五嶽廟今廢而為社稷壇舊臨江因水衝激磯石故名灌磯今則名鳳凰山去江二里而灌磯之名多不聞者

青山 在龍潭山東北二里

百疋山 在縣北五里面拱東北最為深秀形似馬鞍又名馬鞍山

白面山 在縣南十里山盡白石世傳人禱於山生三子皆白面死而為神曰一郎二郎三郎今人祀之當雨澤大降則必有雲氣預發山椒因傳為白雲山

穿石山 在縣西南十里

唐帽山 在縣西南三十里樹木葱蔚遠近望之儼如唐帽故名

望夫山 在縣東三十里石有足跡

牛頭山 在縣東南七里勢回向縣若牛之昂頭故名

梅山 距縣南五十里多梅樹故名下有洞

龜湖山 在縣西南四十里

九龍山 在龜湖之東九龍回合故名

大岩山 在縣西南山高萬仞上有牛眼泉兔兒泉古洞深窈號南嘉第一峯

石頭山 在縣南八十里隋志云蒲圻有石頭山即此

赤壁山 在縣西南八十里大江之濱西界烏陵沔陽州漢建安十三年周瑜敗曹操於此上有赤壁二字

蒲圻山 在縣南七十里

陰山 在縣東南其上產茶

橫山 在縣南十里有若書案人多異之

蜀山 在縣東北三十里先主與孫吳會戰及曹操駐蹕於此故名

西保山 在縣東北二十里西湖之上宋季李氏保障鄉閭於此

連洲山 在縣東二十三里其脉與前湖諸峯相連水漲則四圍皆水水落則孤峙如卓筆故名連洲

虎帽山 在縣西南二十五里

官山 在縣西南八十里

柘山 在縣西南一百里

金灘山 左經山 俱在縣西南

仙師山 在縣東五十里

仙跡山 在縣北世傳葛仙翁飛昇留足跡

泰鍾山 在縣南

青林山 在縣南五十里許

韓婆嶺 在縣東五十里

祿嶺 在縣北三十里

大琛嶺 在縣北六十里

大崖 在縣南三十里

白鷺墩 在縣東

楊藥洞 在縣南楊藥山下洞深不可測水源

混混由田而達於澗世傳有師始呂氏者性智慧因歲旱誓衆入洞駕龍行雨且曰水湧出時若等鳴鑼鼓以助之時違其言遂沒惟雙鞋流出今歲旱請水必禱焉

梅山洞 在縣南梅山之下洞寬四尺許深廣不可測中有泉一日於辰午申三次湧出歲旱請水至此致禱

石泉洞 在縣西南唐帽山下闢一室許深半里餘泉水混混不竭幽暗莫辨欲入必以火燭之

大崖洞 在大崖山下

墮石 即落星也明崇禎程公可登昇石升於博約亭址將建升星亭以覆之未就而落星池遂以土實焉至

皇清順治十六年郭植復開落星池仍以落星移置舊所

大江 合巴蜀洞庭二水而下左經烏林右從石頭口赤壁山過六溪口八十里抵縣治歷瀝

磯山楊家洲入江夏界近世沙漲故瀝磯去江二里

陸水 在縣西南七十里赤壁之北三國時吳以此控制諸邦按舊志魯肅自江陵下屯六口肅卒呂蒙代之後呂岱又領潘璋士卒屯于此

水經注陸水經呂蒙城西又經蒲磯山北入大江謂之刀環口又謂之蒲磯口

太平湖 在縣南三十里往歲中澗夜有光怪誌其處而掘之得古鐫鐘泰少游爲弔鐫鐘文

即此今瀝磯山前有太平湖河泊所

楊汭湖 一水中分爲汭上有楊樹故名

李婆湖 夫亡而歸守其業故名

梅澥湖 其地寬如海梅氏之業也故名

石山島土湖 土色黑在石山之上游

大小澥湖 通大小湖而納諸水

小龜湖 其形小于龜湖也

江池湖 在江島山面近江

龜湖 中有石如龜也

後湖 在官寨之後

蜜泉湖 水甘如蜜故名以上衆湖俱近縣東北俱隸太平湖河泊所

大蓬湖 勢闊如大竹篷方絕流而漁也

蔡家湖 蔡氏之業也

西保湖 在縣東北西保里合蒲圻江夏咸寧之民皆有漁業產菱芡歲歉人採以爲食居民

李氏結屋其上名人題詠頗多

陶陵湖 其大阜陶氏居多以上諸湖在縣東北俱隸頭陀港河泊所

沙地湖 源潭湖

鯉魚湖 滄湖 以上諸湖在縣西南俱隸黃岡湖河泊所

蘆洲湖 蚌角湖 方家湖

陽港湖 雁湖 朱家湖

李成湖 梅李湖 以上諸湖在縣北原隸五重湖河泊所後奉例歸併致思湖河泊所

大明湖 赤城湖 岳公湖

古城湖 六灌湖 以上五湖并五重湖

俱隸致思湖河泊所

東陂關港 二水東南而來有若關也

紅硃港 因有赤土而名

長港 自所至江口五里

舒濟港 以其寬而可濟也

東港 在縣之東

高公港 高氏世業

長菱荻港 今名頭陀湖

青泥湖 柘硃湖 今俱歸併致思湖

石頭潭 因潭中多石故名

烏龜潭 在致思湖中

楊家洲 楊氏之業也

韓家坑 金雞坑 銅蓋坑 俱隸黃岡湖

譚家塘 譚氏之業也

湯家蕩 湯氏之業也

烏龜草蕩 在小蘆湖中

沙池 其地沙居土上蚌蛤交其上

落星池 在文廟櫺星門下中一石傳爲落星

赤瑩古秀若類象形明尹莫公因建落星亭今

亭廢址尚存

上放生池 在縣治東

下放生池 在上放生池之右舊志云積水防

虞畜魚不取故名

溫泉 在縣西南石頭口上港中其水溫

蜜泉 在縣南蜜泉湖中其水甘

石頭口 在縣西南八十里自臨湖之東蒲圻

之北發源經蕪湖三十里入於江

嘉魚口 在縣西北五里自太平湖河泊所隸

諸湖之水由其口而入於江

陸口 在縣西南赤壁之北今名陸溪口

蒲圻縣

高嶺山 在豐城外

王家山 與高嶺聯絡形如展詰其陰爲老虎

坡爲猪首山其側爲和尚嶺爲玉虹橋稍下爲

瑤圃廟

鳳凰山 距縣三里三峯層秀山半平行有泉

有池有洞下有鳳凰寺爲神僧歸玉岩跡處

初山分三支中支爲鳳凰山趨於縣治爲金壘

諸山落脉

鐵山 距縣三里北爲白水畝南爲公安有公

安泉

茅山 距縣十里其陰爲鳳潭爲亭其右爲牛

鞍石爲官田爲車埠

五洪山 距縣十里其上有泥壺坪其下有溫

泉沸如湯曰湯塘又有寒泉曰冷塘

獨山 距縣十二里孤峯特秀其陰爲橫岡爲

蕭橋

偏髻山 距縣十五里有玉蕭諸峯蟬蟠而

下爲牛鬥畝

黃茅山 距縣二十五里巒巒嵒嵒如湧浪

其陰爲觀音寺中有龍泉者二其陽爲黃泥洞

石門山 距縣二十八里有雙石如門

洪山 距縣四十里自平畝特起形若騰獅上

有古廟創於宋淳熙間

芙蓉山 距縣四十里峯巒秀麗如花

蒲首山 距縣四十里明祭酒魏觀讀書處其

中有燕岩庵其陽爲新店其陰爲泉坑渡爲大

姑橋

王子山 距縣四十里

瑞雲山 距縣四十五里其下有大濟寺其陰

爲東港下爲樓

獅子山 距縣五十里山聳峭巖壁立河岸

勢若崩雲一名城頭嘴

范包山 距縣五十里爲吏部余開熙祖墓水

口羅星

金獅山 距縣十里踰踞如獅上有金獅觀其

南爲紫金泉爲沙田畝下爲鏡潭

玉岩山 距縣十二里下有上方寺面峙關山

流接荆泉爲洞宗元潔和尚祖庭

荆泉山 距縣十二里其下爲荆泉洞洞中有

石臺石田石鐘石鼓備極天巧泉在洞旁初出

幽動無聲名曰秀水可半里許始震撼如雷按

通志云自洞口入行可百步別有門甚狹好事

者嘗裹糧窮其源信步趨出則在崇陽之葛藤

坪距洞門已百餘里洞門有六泉左曰荆泉爲

最著泉門闊四五尺水涵其半旱禱之惘狀投

入久之不出則受之矣否則卽出以瓶汲水昇

去水自湧出瓶口則雨水不滿雖雨亦微

丫髻山 距縣二十里雙峯如髻上有葛仙祠

其陰爲土橋畝爲王子畝

白石山 距縣二十五里深山大谷峭壁凌雲其下有白石廟顏杲卿真卿祠有白石泉汲之輒雨其驗較捷於荆泉顏公實憑靈焉

白鹿山 距縣三十里其陽為蘭港橋其陰為石家畈

雲臺山

距縣三十里其陽為石羊洞其陰為水口畈

望夫山

距縣三十里所生木葉盛夏中斷如剪相傳為望夫婦人指爪所搯通志云有石形似婦人

吳城山

距縣四十里孫權營築城其下城址現存

龍翔山

宛委河岸拱衛縣治如屏如障其上有窪樽石石方平五六尺許中一孔如甕玩適者注酒其中杯擲而飲象太古窪樽之意上刻有熙寧癸丑上巳等字

白嶺山

距縣五里其下為霞落

望山

距縣六里通志云與縣相望故名

行將山

距縣七里其下有洞每陰晦時常聞洞中有鉦鼓聲其右為周書嶺為長海崙其陽為慇懃鋪為柳樹橋

黃龍山

距縣十里其下為黃龍鎮

茗山

距縣十五里茗嶠迤邐中穿長峽為嘉蒲通衢其西為青石橋其東為洪水

香石山

距縣十里有香石寺有石如鼎故名香石其側有石如乘又名轎子山

銅釘山

距縣十五里其上有龍升庵其下為

紅菱港為栗柴港

丁畝山 距縣二十里其下有觀音堂其陽有石馬洞洞中有石如馬通志載石馬山懸崖一石闌出如馬

蟠龍山 距縣二十五里其側有西林寺

黃岐山 距縣二十五里其左有明水洞其陰為石口為畢家河其下為西江

黃表山 距縣三十里其側有西華寺

竹山 距縣三十里其上有洞洞口有堂洞中有石傘石甕石像龍林諸勝早禱輒應

洪口山 距縣三十五里兩山對峙溪流若洪

神山 距縣四十里其山蜿蜒如蛇蟠踞湖上有張睢陽祠

霸山 距縣四十里上有黃霸祠

觀山 距縣四十五里

牛頭山 馬頭山 二山距縣五十里對峙於西良湖側

官塘山 距縣五十里其下為官塘驛

獨山 距縣五十五里其下有元明觀

淨苑山 距縣五十五里其上有嶽臺寺

留雲山 距縣五十五里其上有降山寺

月塘山 距縣六十里其山為邑北條左支稍折而西縹緲湖上其下為界石對岸為柳山

金疊山 山自西南層疊至邑龍巖嶺律為萬峯之會

疊秀山 東支為學宮中支為縣治起雙石如笋屈曲而西為梅隱岡金疊岡廻龍岡雲盤岡

跨雉而出循河而止有縈迴不盡之致

馬鞍山 雙峯壁立西控河流為一邑之關鍵

豐財山 形如覆釜對縣若堆貨然其上有天池其側有荆竹坡洞虛敞可容數千人石面有硃書元至正字為前人避兵處遊者嘗探得所遺衣物而出其陰有逐鼓洞初入石道踰蹊歷三關始空閣中有石牀石鼓諸勝洞旁建有地藏庵西麓有石突起於東洲曰蕭堆每歲大比以水盈漲為甲魁之驗

靈應山 距縣三里茗嶠東峙與豐財相望其上有仙雲觀其側有靈應寺舊址

點筆山 距縣七里

幽蘭山 距縣二十里其上有石泉有跌仙石石上有倦掌形其側有幽蘭寺

南山 距縣二十五里頂平方謂之大壺坪前出一峯特起謂之石樞尖尖上有望鶴樓其陽為龍迴潭其陰為天馬峯峯下為楂林畈

木蘭山 距縣二十五里上有木蘭寺怪石層巒古木參差

葛黃山 距縣三十五里世傳葛稚川修煉於此山頂有泉曰丹泉右有潛水時盈時涸曰黃柘湖

燈籠山 距縣三十八里

石尖山 距縣四十里上有玉樞觀

青龍山 距縣六十里其下有青龍寺北出為黃沙畈為洪口橋南出為飯嶺為洋泉自洋泉而北為西衝又北經白場畈達於汀泗橋

梔木山 在縣東二十里

瑞雪山 在縣西五十里

鳳隱山 在縣東北二十五里

石筆山 在縣東北六十里

小梅山 在縣西北五十里

凌岩 距縣三里岩即鳳凰右肩而備諸奇勝

別一洞天初入地骨嶄嶄迤邐而折里許忽得

曠衍平若砥者可數十畝周匝嶙峋前通一磴

面受風潭諸遠峯隱隱若几案間物中建為白

龍寺佛像全身為明藩戚夢所造地有白龍池

朝冠石普陀岩諸景先輩讀書於此多發跡者

白巖 距縣十二里奇峯翠嶺儼如瀑布倒垂

天半

百巖 距縣四十里羣峯翠嶺龍宮虎穴人跡

不至之所癸卯歲有濟宗大雲和尚開山建宇

列有八景云方丈洞錦屏石棋月峯烟鎖溪雙

乳泉問天臺雷雲坪睡仙洞

長嶺嶺 距縣十五里其陰為大壺畈為峽山

口為小壺嶺大壺嶺之陽為城西畈為羅田

畈

桃花峰 距縣十里三峰特秀形若筆陣與金

紫相望下有桃花泉流與荆泉合

青峰 距縣十二里卓筆侵雲為學宮文案

雪峰 距縣二十里上有雪峰寺唐咸通二年

開山其山奇勝險絕旋盤迤邐而上約三四里

許忽平衍丘壑宛然寺處其中遠望江山若襟

羅峰 距縣二十里豐隆高峻其南麓為崇陽

路之東流鋪側有石屋僧碧玉禁足於此辟穀

絕烟火者今三十年

金紫峰 距縣治三十里峰聳層雲峻極萬仞

為蒲邑諸山之冠通志云每晴霽日出風光如

畫

羊樓洞 距縣六十里羣峰崿嶸衆壑奔流其

東有石人泉其西有蓮花洞洞下有蓮花寺出

洞口為港口驛

青雲洞 距縣二十五里洞在山腰如獅張頤

中架樓閣為青雲庵念人登眺

穿山洞 距縣二十里洞橫山腹前後天象納

日月空洞彌里石室朗然高數十丈頂懸石乳

有獅象仙人掌佛指柑千態萬狀不可枚舉

仙人洞 距縣三十二里洞中有石橋其下深

洞飛瀑而出旁一小窠僂僕可入相傳為陳求

道避兵處

荆泉洞 距縣十五里自洞門深入出則為崇

陽葛藤坪相距百餘里洞門有六泉左曰荆泉

名最著合流數里入於鐘潭

竹山洞 在縣竹山麓

迂鼓洞 在縣豐財山後

行將洞 在縣行將山內

金鷄坪 距縣二十五里其陽為渡頭其陰為

赤壁 在邑西北一百二十里今撥屬嘉魚為

周瑜破曹操處上有孔明祭風臺

顧縣石 有石如山回瞰上流

擂鼓尖 距縣二十五里其上有慧林寺相傳

有馬姓者擂鼓集兵往樵人從岩間拾得長劍

信手成灰山前有池曰馬王塘山下有溪曰馬

家坡

蒲圻河 水經名曰陸水發源三山溪通志云

自江西寧縣修水發源北流至通城會雋水至

崇陽會桃溪水合流折東復西由壺頭四十里

過荆港北經縣治南繞東北復迴西北至六溪

口出大江

車埠河 其岸為車埠鎮

新溪河 河屬新店在縣治西南四十里發源

港口望湘橋及龍橋諸泉折而西入馬蹄湖由

黃蓋湖出石頭口入於大江

任家河 匯諸溪流入馬蹄湖由黃蓋湖入於

江

西良湖 發源咸寧峻水流及白泉梓潭諸溪

匯西江山門石口大橋丁家漆郭家潭諸水合

流於湖中有洲曰浮臺泉曰烏石其南岸為衙

門嘴即古蒲圻舊治又逕流曰大灣曰老院曰

騰徑坂曰東港池曰瓦剎澗曰倪家灣曰羅德

灣由金口磯入於江

蒲圻湖 按通志即西良湖以湖多生蒲草吳

置蒲圻縣於側

盤石湖 在縣西三十里岸為宣公堤

大羅湖 在縣西四十里

龍坑湖 在縣西五十里

活湖 在縣西五十里

馬蹄湖 滄湖 俱在縣西六十里

柳山湖 在縣西六十里

真湖 在縣西七十里

郎當湖 接里湖 梅湖 錦湖 沙陽湖

螺螄港湖 以上諸湖俱在北岸流入江

小羅湖 松柏湖 左荆湖 楊林湖 以上

諸湖俱在南岸流入江

西洲 枕流面青一丘一壑可耕可釣爲邑先

達別墅

大沙洲 洲平如砥二水中分上有大土閣丈

六金身竹樹參差殿廡莊嚴爲東南關鎖

東洲 曠野平曠嵐光水影相爲掩映

小沙洲 上有金粟庵縹緲波心與大沙洲隱

隱相望

落石潭 岸爲落石奔崖欲墜嘗有獼猴出沒

其上每擲石與舟行者相爲戲

龍廻潭 中有石梁奔激盤旋渦洑水勢險絕

焦潭 澄碧可愛湔然有聲

石牛潭 中有巨石如牛隆冬大魚嘗伏其下

漁人沒入捕掇之

鏡潭 左岸爲金獅觀右岸爲鮑家洲水勢曲

折

鷗鷺潭 峭壁對峙峽口中流爲縣治天關

界石潭 湖河咸注怪石當關自此出六溪口

達於江

龍翔潭 澄波古塔拱北極雄關控東南上游

及春漲迴瀾又令人作濛濛間想

風潭 有巨石出河巍然高可十丈名曰海船

頭上有殿曰三官殿殿側有洞洞有丈室

黃龍潭 岸爲黃龍鎮有磯石磊落上有寺曰

石來

皂潭 潭水淵渟爲水族窟宅魚舟畢集棹歌

款乃致甚可嘉

街埠潭 上爲新店鎮水味辛以爲麵羹釀倍

芳冽

平落潭 在大羅湖口

馬跡潭 在縣東四十里

白公潭 在縣西北二十五里

芭蕉潭 木蘭潭 倒流潭 梅子潭

王師潭 石孔潭 黃土潭 龍坑潭

洪下潭 河至此爲崇蒲水界石磴當流若建

瓠然奔駛而下砰礮礧礧有瞿塘滬頭之意

方石灘 淵渟含蓄泓然如鏡

鳴水灘 漸流清淺水石相薄聲如絲竹

將軍灘 中有巨石世傳孫權磨刀其上

石牛灘 在本縣二十四都

筒車灘 在本縣十五都

枕桂灘 龍骨灘 楊樹灘 蘇家灘

紅菱灘 荷塘灘 栗柴灘

石坑灘 其上爲石坑鎮水漸清泚循山西行

潭灣 環繞曲折故名

柳山灣 其山循江壓河而來形如旋旆江漲

浩渺與洞庭君山爭勝

接里灣 觀山灣 俱隸縣境

赤馬港 在縣東北一里入河

車埠港 在縣四十五里

龜坑港 在縣北八十里通大江

荆港 在縣南十里

泉港 在縣西十五里

洋港 在縣治東入河

螺螄港 在縣治西北西流經六口入江

五洪港 蘆閣港 以上在縣治南入江

瑤埠港 白水港 以上在縣治西入河

霞落港 紅菱港 瓦窰港 栗柴港

柳山港 以上在縣治西北入河

典陂 在二四都

荆陂 在上三都

湯阮陂 在下三都

斗門陂 在九都

澄清陂 在十八都

官陂 在二十三四五都

馬家陂 在二十七都

陡洪陂 在縣境內

尊塘 在縣西舊產尊菜今失

黃沙塘 在縣西南包山爲基下爲大田畝

湯塘 在縣西南有溫泉出五洪山

古塘 在縣東北

白米塘 在縣北出菱湖

亨塘 在縣西北出銅釘山

七里汀 在縣境內